



Na osnovu člana 2.9 stav (1) tačka 9, člana 5.29 i člana 5.29a Izbornog zakona Bosne i Hercegovine («Službeni glasnik BiH», br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16 ), Centralna izborna komisija Bosne i Hercegovine je na 69. sjednici, održanoj 17.10.2016. godine, d o n i j e l a

**ODLUKU**  
**o utvrđivanju i objavljivanju rezultata**  
**Lokalnih izbora u Bosni i Hercegovini 2016. godine**

**Član 1.**

(1) Centralna izborna komisija Bosne i Hercegovine utvrđuje i objavljuje rezultate Lokalnih izbora u Bosni i Hercegovini 2016. godine za:

- a) 73 općinska vijeća u Federaciji Bosne i Hercegovine,
- b) 57 skupština općina u Republici Srpskoj,
- c) 130 načelnika općina u Bosni i Hercegovini,
- d) 4 gradska vijeća u Federaciji Bosne i Hercegovine,
- e) 6 skupština gradova u Republici Srpskoj,
- f) 10 gradonačelnika gradova u Bosni i Hercegovini
- g) Skupštinu Brčko distrikta Bosne i Hercegovine.

(2) Za Općinsko vijeće i načelnika Općine Stolac će rezultati biti utvrđeni dopunskom odlukom, nakon donošenja odluke Centralne izborne komisije Bosne i Hercegovine o poništenju izbora u osnovnoj izbornoj jedinici Stolac, u skladu sa članom 2.10 Izbornog zakona Bosne i Hercegovine i provedenih ponovnih izbora na osnovu odluke Centralne izborne komisije Bosne i Hercegovine, u skladu sa članom 14.1 Izbornog zakona Bosne i Hercegovine.

**Član 2.**

Sastavni dio ove odluke je detaljan tabelarni prikaz rezultata glasanja za svaki izborni nivo iz člana 1. stav (1) ove odluke, po osnovnim izbornim jedinicama, biračkim mjestima i političkim subjektima i kandidatima.

**Član 3.**

(1) Nakon utvrđivanja i objavljivanja izbornih rezultata, Centralnoj izbornoj komisiji Bosne i Hercegovine može se podnijeti zahtjev za ponovno brojanje glasačkih listića u roku od tri dana od dana utvrđivanja i objavljivanja izbornih rezultata iz člana 1. stav (2) i člana 2. ove odluke, na način i u formi kako je propisano odredbama člana 5.30 Izbornog zakona Bosne i Hercegovine.

(2) Zahtjev za ponovno brojanje glasačkih listića podnosi se neposredno u sjedištu Centralne izborne komisije Bosne i Hercegovine, Ulica Danijela Ozme broj 7 Sarajevo ili putem faks aparata na broj 033/251-329.

#### Član 4.


Ova odluka stupa na snagu danom donošenja i objavit će se 17.10.2016. godine u 14,00 sati na web stranici Centralne izborne komisije Bosne i Hercegovine [www.izbori.ba](http://www.izbori.ba), i smatrat će se da je danom objavljivanja ista dostavljena svim učesnicima u izbornom procesu.

**PRAVNA POUKA:** Nakon utvrđivanja i objavljivanja izbornih rezultata, Centralnoj izbornoj komisiji Bosne i Hercegovine može se podnijeti zahtjev za ponovno brojanje glasačkih listića u roku od tri dana od dana utvrđivanja i objavljivanja izbornih rezultata iz člana 1. stav (2) i člana 2. ove odluke, na način i u formi kako je propisano odredbama člana 5.30 Izbornog zakona Bosne i Hercegovine, kao i prigovor na tačnost objavljenih rezultata izbora.

Zahtjev za ponovno brojanje glasačkih listića kao i prigovor na objavljene rezultate podnosi se isključivo:

- a) neposredno u sjedištu Centralne izborne komisije Bosne i Hercegovine, ulica Danijela Ozme br. 7, Sarajevo ili
- b) putem faksa broj 033/251-329.

Broj: 05-1-07-1-933/16  
Sarajevo, 17.10.2016. godine



Predsjednik

*Dr. Ahmet Šantić*  
Dr. Ahmet Šantić